



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-076-10/25**

Datum: **17.10.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica, JP «VODOKOM» d.o.o. Kakanj, za donošenje rješenja o vodnoj saglasnosti na projektnu dokumentaciju za aktivnost - sanacija postojeće deponije komunalnog otpada «Bare» i izgradnju pratećih sadržaja prilagođenih regionalnom konceptu odlaganja otpada u Kaknju na osnovu člana 109. stav (1) tačka 11. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Pravnom licu, JP «VODOKOM» d.o.o. Kakanj, daje se vodna saglasnost za aktivnost - sanacija postojeće deponije komunalnog otpada «Bare» i izgradnju pratećih sadržaja prilagođenih regionalnom konceptu odlaganja otpada na lokalitetu «Bare» na parcelama označenim kao k.č. broj 2086/3 i 2087/2 K.O. Bukovlje i k.č. broj 1281 Čatići, općina Kakanj, na osnovu projektne dokumentacije:
 - Glavni projekat sanacije postojeće deponije komunalnog otpada općine Kakanj i izgradnja pratećih sadržaja prilagođenih regionalnom konceptu odlaganja (Knjiga «A» i «B»), urađen od strane «Saraj inženjering» d.o.o. Sarajevo (broj: 125/25, maj 2025. godine) te revidovan od strane «SENDO» d.o.o. Sarajevo (broj: 307-08-i/25, august 2025. godine).Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove na sanaciji postojeće deponije komunalnog otpada «Bare» i izgradnji pratećih sadržaja prilagođenih regionalnom konceptu odlaganja otpada na lokalitetu «Bare» općina Kakanj, izvesti u skladu sa ovjerenom projektnom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
 - 3.2. Da se u periodu važenja ovog rješenja ishoduje okolinska dozvola od nadležnog ministarstva Zeničko-dobojskog kantona.
 - 3.3. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 3.5. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.6. Prilikom izvođenja radova predviđenih na sanaciji postojeće deponije komunalnog otpada «Bare» i izgradnji pratećih sadržaja prilagođenih regionalnom konceptu odlaganja otpada na lokalitetu «Bare» općina Kakanj koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkih ulja i sl.
 - 3.7. Nakon izvođenja radova na sistemu odvodnje oborinskih onečišćenih i procjednih voda iz tijela deponije potrebno je izvršiti ispitivanje kvaliteta izvedenih radova na vodonepropusnost i bezbjednost od curenja a sve u cilju zaštite površinskih i podzemnih voda.

- 3.8. U toku radova, iskopani materijal i otpad se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.9. Predvidjeti da se sav otpad nastao u toku radova prikuplja u skladu sa važećim propisima o postupanju sa otpadom.
 - 3.10. Investitor (korisnik vodne saglasnosti) je obavezan ispoštovati uslove iz Rješenja o urbanističkoj saglasnosti broj: UP1-12-19-7889/23 izdatog dana 19.07.2024. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
4. Ukoliko se izvođenjem radova na sanaciji postojeće deponije komunalnog otpada «Bare» i izgradnju pratećih sadržaja prilagođenih regionalnom konceptu odlaganja otpada ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost terena ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
 5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvjestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
 7. Korisnik vodne saglasnosti je dužan da prije početka izvođenja radova u saradnji sa nadležnim općinskim službama riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška materijala.
 8. Po završetku sanacije postojeće deponije komunalnog otpada «Bare» i izgradnje pratećih sadržaja prilagođenih regionalnom konceptu odlaganja otpada na lokalitetu «Bare» te obavljenog tehničkog pregleda izvedenih radova, korisnik vodne saglasnosti će shodno članu 115. Zakona o vodama zatražiti izdavanje vodne dozvole, a prije pribavljanja odobrenja za upotrebu objekata. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
 9. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na sanaciji postojeće deponije komunalnog otpada «Bare» i izgradnji pratećih sadržaja prilagođenih regionalnom konceptu odlaganja otpada na lokalitetu «Bare» u skladu sa tehničkom dokumentacijom iz tačke 1. dispozitiva ovog Rješenja.
 10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, JP «VODOKOM» d.o.o. Kakanj obratilo se ovoj Agenciji dana 20.02.2025. godine sa zahtjevom za donošenje rješenja o vodnoj saglasnosti za aktivnost - sanacija postojeće deponije komunalnog otpada «Bare» i izgradnju pratećih sadržaja prilagođenih regionalnom konceptu odlaganja otpada na lokalitetu «Bare» na parcelama označenim kao k.č. broj 2086/3 i 2087/2 K.O. Bukovlje i k.č. broj 1281 Čatići, općina Kakanj, u postupku pribavljanja odobrenja za građenje.

Pregledom, uz zahtjev dostavljene, projektne dokumentacije utvrđeni su određeni nedostaci te je dopisom broj: UP-1/21-1-40-076-2/25 od 10.03.2025. godine zatraženo od podnosioca zahtjeva da se ista koriguje i dopuni u skladu sa uslovima navedenim u tački 3.4. i 3.5. Rješenja o prethodnoj vodnoj saglasnosti broj: UP-1/21-1-40-128-6/24 donesenog za predmetnu aktivnost dana 14.05.2024. godine od strane ove Agencije. Prema dopisu, ostavljen je rok od 30 dana od dana prijema istog da se dopunjena i revidovana projektna dokumentacija dostavi u Agenciju. Nakon tri produženja roka, uz dopis broj: 8069-5/25 od 07.08.2025. godine dostavljena je tražena dokumentacija.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Ovjereni izvodi iz sudskog registra broj: 043-0-RegZ-24-003886 izdatog dana 31.12.2024. godine od strane Općinskog suda u Zenici,
- Ovjereni izvodi o poreznoj registraciji izdatog dana 15.08.2011. godine od strane Porezne uprave – Kantonalni ured Zenica,

- Kopija Rješenja o prethodnoj vodnoj saglasnosti broj: UP-1/21-1-40-128-6/24 izdatog dana 14.05.2025. godine od strane «Agencije za vodno područje rijeke Save» Sarajevo,
- Kopija Rješenja o okolinskoj dozvoli broj: UPI 05/2-02-23-11-170/14 SS izdatog dana 21.12.2015. godine od strane Federalnog ministarstva okoliša i turizma,
- Dopis broj:12-19-09715-1/22 upućen JP «VODOKOM» d.o.o. Kakanj dana 13.07.2023. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona kao zahtjev za dopunu podneska u postupku izdavanja okolinske dozvole,
- Kopija Rješenja o urbanističkoj saglasnosti broj: UP1-12-19-7889/23 izdatog dana 19.07.2024. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Glavni projekat sanacije postojeće deponije komunalnog otpada općine Kakanj i izgradnja pratećih sadržaja prilagođenih regionalnom konceptu odlaganja (Knjiga «A» i «B»), urađen od strane «Saraj inženjering» d.o.o. Sarajevo (broj: 125/25, maj 2025. godine),
- Revizionni izvještaj o izvršenoj kontroli projektne dokumentacije urađen od strane «SENDO» d.o.o. Sarajevo (broj: 307-08-i/25, 01.08.2025. godine),
- Dokaz o uplati upravne takse.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na sanaciji postojeće deponije komunalnog otpada «Bare» i izgradnji pratećih sadržaja prilagođenih regionalnom konceptu odlaganja otpada na lokalitetu «Bare», općina Kakanj, izrađena je projektna dokumentacija - *Glavni projekat sanacije postojeće deponije komunalnog otpada općine Kakanj i izgradnja pratećih sadržaja prilagođenih regionalnom konceptu odlaganja (Knjiga «A» i «B»), urađen od strane «Saraj inženjering» d.o.o. Sarajevo (broj: 125/25, maj 2025. godine).* Reviziju projektne dokumentacije uradila je projektna kuća «SENDO» d.o.o. Sarajevo (broj: 307-08-i/25, 01.08.2025. godine).

Od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona, za sanaciju postojeće deponije komunalnog otpada «Bare» i izgradnju pratećih sadržaja prilagođenih regionalnom konceptu odlaganja otpada na lokalitetu «Bare» na parcelama označenim kao k.č. broj 2086/3 i 2087/2 K.O. Bukovlje i k.č. broj 1281 Čatići, općina Kakanj izdato je pravnom licu JP «VODOKOM» d.o.o. Kakanj dana 19.07.2024. godine Rješenje o urbanističkoj saglasnosti broj: UP1-12-1-7889/23.

Obzirom da je podnosilac zahtjeva pribavio Rješenje o urbanističkoj saglasnosti od nadležnog organa potvrđeno je da predmetna aktivnost nije u koliziji sa planskom dokumentacijom Općine Kakanj.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-128-6/24 izdatog od strane ovog organa dana 14.05.2024. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

Deponija komunalnog otpada «Bare» nalazi se na udaljenosti cca 2,4 km istočno od središta općine Kakanj iznad naselja Bare na parcelama označenim kao k.č. broj 2086/3 i 2087/2 K.O. Bukovlje i k.č. broj 1281 K.O. Čatići, općina Kakanj. Deponija je otvorenog tipa i ne zadovoljava uvjete sanitarnih deponija tj. ima negativne uticaje na vode, zrak, zemljište, floru i faunu. Predmetna deponije otpada je neuslovna, otvorenog tipa i ne zadovoljava uvjete deponija tj. ima negativne uticaje na vode, zrak, zemljište, floru i faunu. Na lokaciji deponije ne postoji sistem za prikupljanje procjednih voda niti sistem kanala za prikupljanje oborinskih voda. Postojeću deponiju potrebno je sanirati i zatvoriti na način da se sav stari otpad trajno izolira od okoliša. Projektom dokumentacijom su predviđene mjere prilagođavanja deponije kroz aktivnosti kojima se priprema prostor deponije za sanaciju postojećeg i deponovanje novog otpada i izgradnju objekata koji će osigurati kvalitetno i sigurno funkcionisanje deponije.

U projektnoj dokumentaciji je priložen situativni prikaz cjelokupnog lokaliteta deponije «Bare», sa definisanim položajem iste u odnosu na otvorene vodotoke sa ucrtanim obodnim i drenažnim kanalima, servisnim saobraćajnicama, bazenom procjedne vode, SBR uređajem, separatorom ulja i masti, svim objektima planiranim na predmetnoj deponiji i ucrtanom mrežom monitoring mjesta.

Planirani sadržaji i mjere za sanaciju deponije predviđene projektom dokumentacijom su:

- priprema terena za sanaciju (pripremni radovi),
- postavljanje zaštitne ograde oko deponije,
- izgradnja lagune za prihvat procjednih voda,
- izgradnja sistema odvodnje površinskih (oborinskih) voda,
- zacjevljenje potoka koji protiče kroz deponiju,
- izgradnja donjeg brtvenog sloja i drenažne mreže na dijelu deponije iznad i oko zacijepljenog potoka,

- izgradnja drenažnih rovova sa cijevima u dnu deponije za prihvata eventualnog filtrata iz tijela deponije,
- izgradnja sistema za otplinjavanje deponije,
- izgradnja internih-tehnoloških puteva,
- izgradnja sistema protivpožarne zaštite,
- rekultivacija zemljišta.

Za potrebe kompleksa deponije predviđena je izgradnja sljedećih objekata: prostor za privremeno skladištenje odvojeno prikupljenog otpada (metal, gume, staklo, plastika its), reciklažni centar, portirnica, mosna vaga, sortirnica otpada, uređaj za pranje točkova.

Potrebno je sanirati postojeći otpad na površini od 4,43 ha i izgraditi objekte za sortiranje i privremeno odlaganje otpada. Da bi se sav stari otpad trajno izolirao od okoliša predviđeno je planiranje i izgradnja brtvenih slojeva, izgradnja sistema za dreniranje procjednih voda, sistema za otplinjavanje i sl. Projektom je predviđeno da se postojeći, stari otpad zbije kompaktorom na plohu površine cca 4,43 ha formirajući poprečne i podužne nagibe radi nesmetane odvodnje površinskih voda te tako formirati konačan izgled tijela deponije. Na lokaciji starog otpada potrebno je izvršiti zaštitu visoke kosine (ublažavanje kosine) a duž nožice kosine neophodno je uraditi kanalicu u svrhu prikupljanja vode sa iste. Prema projektnom rješenju oko cijelog ruba deponije planirana je izgradnja puteva za održavanje deponije (min širine 3,5 m) koji će se napraviti na osnovnom, postojećem terenu. Po prekrivenim pokosima deponije formirat će se interni putevi širine 2,0 m sa ugrađenim kanaletama. Po dnu stare deponije projektom je predviđen drenažni kolektor (Kanal II) putem kojeg će se vode prikupljati i odvesti u lagunu. Drenažni rovovi su predviđeni na najnižim tačkama terena sa donje strane tijela deponije.

Procjedne vode sa tijela novoprojektovane deponije će se drenažnim kanalima prikupljati i odvesti u lagunu za procjedne vode projektovane zapremine $V=600 \text{ m}^3$ kako bi se homogenizirale i metodom recirkulacije vraćale na tijelo deponije. U laguni će se taloženjem oslobađati suspendovane materije a izbistrena voda će se putem recirkulacione pumpe vraćati na odlagalište sistemom prskalica u svrhu kvašenja otpada. Projektom dokumentacijom je predviđeno reviziono okno DRO53 kao monitoring okno prije ispusta procjednih voda u lagunu. Zbog konfiguracije terena, po obodu lagune predviđena je kanalica kojom se prikupljaju oborinske vode sprečavajući njihovo direktno ulijevanje u lagunu. Ispust ovih voda je u potok. Projektom dokumentacijom nije predviđen preliv iz lagune tako da u slučaju kvara na pumpama i eventualno drugih problema, potrebno je odvoziti filtrat putem ovlaštenih preduzeća prema posebnom ugovoru.

Zaštita od površinskih voda predviđena je izgradnjom obodnih kanala oko tijela novoprojektovane deponije kojima će biti spriječeno prodiranje vode u tijelo deponije i samim tim smanjiti količinu filtrata. Oborinske vode će se sakupljati obodnim kanalom uz planiranu servisnu saobraćajnicu iznad drenažnih cijevi. Prikupljena voda će se kolektorom odvesti do lagune.

Onečišćene oborinske vode sa radnog platoa, platoa za održavanje mašina i pranje točkova, sa manipulativnih i saobraćajnih površina prikupljat će se zasebnim kanalizacionim sistemom te putem slivnika, kanalizacionih cijevi i revizionih okana odvesti na tretman u separator masti i ulja (AQUAREG S80 bp S-I-P). Prečišćene vode će se preko okna za monitoring, ispuštati u potok.

Sanitarne fekalne vode iz toaleta za uposlene upravne zgrade i pratećih objekata će se prikupljati zasebnim sistemom kanalizacije i odvoditi na tretman u biološki SBR uređaj za tretman otpadnih voda sa ispuštanjem prečišćenih voda u sistem za odvodnju oborinskih voda sa saobraćajnice.

Projektom je predviđeno zacjevljenje potoka koji protiče kroz deponiju u dužini $L=120 \text{ m}$ betonskim cijevima $2 \times \text{DN } 1000$. Uzimanje uzoraka zacjevljenog potoka vršit će se na početku i kraju zacjevljenja.

Na temelju utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 114. Zakona o vodama i člana 17. stav (1) tačka 11. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), propisani uslovi koje je investitor dužan ispuniti u toku predmetne gradnje.

Uzimajući u obzir naprijed navedeno, na osnovu člana 109. stav (1) tačka 11. Zakona o vodama i člana 17. stav (1) tačka 14. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Prilog:

- Ovjeren Glavni projekat sanacije postojeće deponije komunalnog otpada općine Kakanj i izgradnja pratećih sadržaja prilagođenih regionalnom konceptu odlaganja (Knjiga «A» i «B»), urađen od strane «Saraj inženjering» d.o.o. Sarajevo (broj: 125/25, maj 2025. godine);
- Revizijski Izvještaj o izvršenoj kontroli projektne dokumentacije urađen od strane «SENDO» d.o.o. Sarajevo (broj: 307-08-i/25, 01.08.2025. godine).

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP «VODOKOM» d.o.o. Kakanj
ul. Alije Izetbegovića br 51/I, 72000 Kakanj (prilog)
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava